

魔羅網復有種種邪見之徒皆當攝受令生

正見漸令修習諸菩薩行乃至菩提

第十一大願願我來世得菩提時若諸有情王法所拘幽禁牢獄枷鎖鞭撻乃至極刑復有衆多苦楚之事逼切憂惱無暫樂時若聞我名以我福德威神力故皆得解脫一切憂苦

乃至菩提

第十二大願願我來世得菩提時若諸有情飢火所惱爲求食故造諸惡業若聞我名至心稱念我當先與上妙飲食隨意飽滿復以法味令住安樂乃至菩提

第十三大願願我來世得菩提時若諸有情

身無衣服蚊蠅寒熱之所逼惱若聞我名至

心稱念隨其所好即得種種上妙衣服寶莊嚴具伎樂香花皆令豐足無諸苦惱乃至菩提曼殊室利是爲藥師琉璃光如來應正等覺行菩薩道時所發十二微妙上願

佛說藥師琉璃光七佛本願功德經卷上惟三

彌伽

上渠向反河名也或云流伽恒伽河

踰繕

上羊朱反下時扇反或云由旬即里數也

賚估

上音商下音古正作賈白

瘞

魚却反寒病也虎通曰居噴曰費通物曰賈扶結反義靜法師云正梵語作你也反

蝮蝎

上芳福反下許謂反說文一名虺

姪他

上音酬下音逐反步迷喇

憊

上虛器反竹日反又呼甘反

嚙

者淳祐己酉歲季冬吉日書

藥師琉璃光七佛本願功德經卷下

惟

奉

佛弟子呂顥正書寫此經及施財刊

版祈求保扶父子茂所患之疾早獲痊安

者淳祐己酉歲季冬吉日書

藥師琉璃光七佛本願功德經卷下

惟

唐三藏法師義淨在內蓮場奉制譯

奉

佛弟子呂顥正書寫此經及施財刊

版祈求保扶父子茂所患之疾早獲痊安

者淳祐己酉歲季冬吉日書

藥師琉璃光七佛本願功德經卷下

惟

余時佛告曼殊室利彼藥師琉璃光如來行

苦薩道時所發大願及彼佛土功德莊嚴我

於一劫若過一劫說不能盡然彼佛土純一

清淨無諸欲染亦無女人及三惡趣苦惱之

聲以淨琉璃而爲其地城闤宮殿及諸廊宇
軒窓羅網皆七寶成亦如西方極樂世界功
德莊嚴於彼國中有二菩薩一名日光徧照
二名月光徧照於彼無量菩薩衆中而爲上
首能持彼佛正法寶藏是故曼殊室利若有
淨信男子女人應當願生彼佛世界

復次曼殊室利若有衆生不識善惡唯懷貪
惜不知惠施及施果報愚癡少智無有信心
多畜珍財勤勞守護見乞者來心生不喜設
不獲已行惠施時如割身肉深生惜憐復有
無量慳貪有情積集資財然於自身尚不能
用況當供給父母妻子奴婢僕使及來乞者

彼諸有情從此命終生餓鬼中或傍生趣由
昔人間曾聞藥師琉璃光如來名故雖在惡
趣還得憶念彼如來名即於彼沒生在人中
得宿命念畏惡趣苦不樂欲樂好行惠施讚
歎施者所有財物無慳捨心漸次尚能以頭
目手足血肉身分施來求者況餘財物

復次曼殊室利若復有人歸依世尊受諸學
處而破壞戒破威儀及壞正見設有持戒正見
不求多聞於佛所說契經深義不能解了雖
有多聞而懷惰慢由慢心故自是非他謙謗
正法爲魔伴黨如是愚人自行邪見復令無
量百千俱胝有情墮大險坑此諸有情墮於
地獄傍生鬼趣若曾聞此藥師琉璃光如來
名號由彼如來本願威力於地獄中憶佛名
號從彼命盡還生人間正見精進意樂調善
捨俗出家於佛法中受持學處無有毀犯正
見多聞解甚深義離於橋慢不謗正法不爲
魔伴漸次修行諸菩薩行乃至菩提

復次曼殊室利若諸有情慳貪嫉妒造諸惡
業自讚毀他命終當墮三惡趣中無量千歲
受諸劇苦從彼終已來生人間或作牛馬驂
驢之屬恒被鞭撻飢渴纏心身常負重困苦
疲極若得爲人生居下賤奴婢僕使被他駛
役恒不自在由昔人中曾聞藥師琉璃光如

來名号彼善根力今復憶念至心歸依以佛
神力衆苦解脫諸根聰利智慧多聞恒求勝
法常遇善友永斷魔怨破無明殲竭煩惱河
解脫一切生老病死憂悲苦惱乃至菩提
復次曼殊室利若諸有情好喜乖離更相關
訟惱亂自他以身語意造諸惡業展轉常爲
不饒益事互相謀害告召山林樹塚等神殺
諸衆生取其血肉祭祀藥叉羅刹神等書怨
人名或作形像以惡呪術而呪詛之厭媚蠱
道呪起死屍令斷彼命及壞其身是諸有情
若得聞此藥師琉璃光如來名号彼諸惡緣
悉不能害一切展轉皆起慈悲利益安樂無
損惱意及嫌恨心於自所有常生喜足

復次曼殊室利若有四衆苾芻苾芻尼近事
男近事女及餘淨信男子女人若能受持八
支齋戒或經一年或復三月受持學處以此
善根願生西方極樂世界見無量壽佛若聞
藥師琉璃光如來名号臨命終時有八菩薩

乘神通來示其去處即於彼界種種雜色衆
寶華中自然化生或有因此生於天上雖生
天中而昔善根亦不窮盡不復更生諸餘惡
趣天上壽盡還生人間或爲輪王統攝四洲
威德自在勸化無量百千有情於十善道令
其修習或生刹帝利婆羅門居士貴族多饒
財寶倉庫盈溢形相端嚴眷屬隆盛聰明智
慧勇健盛猛有大身力若是女人得聞藥師
琉璃光如來名号至心受持於後不復更受
女身復次曼殊室利彼藥師琉璃光如來得
菩提時由本願力觀諸有情遇衆病苦瘦瘧
乾消黃熱等病或被厭魅蠱道所中或復短
命或時橫死欲令是等病苦消除所求願滿
時彼世尊入三摩地名曰滅除一切衆生苦
惱既入定已於肉髻中出大光明光中演說
大脳羅尼呪曰

南謨薄伽伐帝
薛琉璃鉢喇婆
鞞殺社塞嚕

呾他揭多也 阿囉噉帝 三藐三教胞也

呾姪他唵

鞞殺逝鞞殺逝

鞞殺社三設揭帝 莎訶

尔時光中說此呢已大地震動放大光明一切衆生病苦皆除受安隱樂曼殊室利若見男子女人有病苦者應當一心為彼病人清淨澡漱或食或藥或無蟲水呪一百八徧與

彼服食所有病苦悉皆消滅若有所求至心念誦皆得如意無病延年命終之後生彼世界得不退轉乃至菩提是故曼殊室利若有男子女人於彼藥師琉璃光如來至心懃重恭敬供養者常持此呢勿令廢忘

復次曼殊室利若有淨信男子女人得聞如上七佛如來應正等覺所有名號間已誦持晨嚼齒木澡漱清淨以諸香華末香燒香塗香作衆妓樂供養形像於此經典若自書若教人書一心受持聽聞其義於彼法師應修供養一切所有資身之具悉皆施與勿令乏

少如是便蒙諸佛護念所求願滿乃至菩提之時誓以種種方便令諸淨信男子女人得聞七佛如來名號乃至睡中亦以佛名令其覺悟世尊若於此經受持讀誦或復為他演說開示若自書若教人書恭敬尊重以種種華香塗香末香燒香華鬘瓔珞幡蓋伎樂而為供養以五色繒綵而裹袞之灑掃淨處置高座上是時四大天王與其眷屬及餘無量百千天衆皆詣其所供養守護世尊若此經寶流行之處及受持者以彼七佛如來本願功德及聞名号威神之力當知是處無復橫死亦復不為諸惡鬼神奪其精氣設已奪者還得如故身心安樂

佛告曼殊室利如是如是如汝所說曼殊室利若有淨信男子女人欲供養彼七如來者應先敬造七佛形像安在清淨上妙之座散華燒香以諸幢幡莊嚴其處七日七夜受八

戒齋食清淨食澡浴身體著新淨衣心無垢濁亦無恚害於諸有情常起利樂慈悲喜捨平等之心鼓樂絃歌稱讚功德右繞佛像念彼如來所有本願讀誦此經思惟其義演說開示隨其所願求長壽得長壽求富饒得富饒求官位得官位求男女得男女一切皆遂

若復有人忽得惡夢見諸惡相或恠鳥來集或於其家百恠出現此人若以衆妙資具恭敬供養彼諸佛者惡夢惡相諸不吉祥悉皆隱沒不能爲患或有水火刀毒懸崖險道惡象師子虎狼熊羆蛇蠍蜈蚣如是等怖若能至心憶念佛恭敬供養一切怖畏皆得解脫若他國侵擾盜賊反亂憶念佛名号恭敬彼如來者所有怨敵悉皆退散

復次曼殊室利若有淨信男子女人等乃至盡形不事餘天唯當一心歸佛法僧受持禁戒若五戒十戒菩薩四百戒苾芻二百五十戒苾芻尼五百戒於諸戒中或有毀犯怖墮

惡趣若能專念彼佛名號恭敬供養者必定不生三惡趣中或有女人臨當產時受於極苦若能至心稱名禮讚恭敬供養七佛如來衆苦皆除所生之子顏貌端正見者歡喜利益聰明少病安樂無有非人奪其精氣

尔時世尊告阿難言如我稱揚彼七如來名

號功德此是諸佛甚深境界難可了知汝勿生疑阿難白言出尊我於如來所說契經深義不生疑惑所以者何一切如來身語意業皆無虛妄世尊此日月輪可使墮落妙高山王可使傾動諸佛所言終無有異出尊然有衆生信根不具聞說諸佛甚深境界作是思惟云何但念七佛名號便獲余所功德勝利由此不信便生詬謗彼於長夜失大利樂墮諸惡趣佛告阿難彼諸有情若得耳聞諸佛名号墮惡趣者無有是處唯除定業不可轉者阿難此是諸佛甚深境界難可信解汝能信受當知皆是如來威力阿難一切聲聞及獨

覺等皆不能知唯除一生補處菩薩阿難人
身難得於三寶中信敬尊重亦難可得得聞
七佛如來名號復難於是阿難彼諸如來無
量菩薩行無量巧方便無量廣大願如是行
願善巧方便我若一劫若過一劫說不能盡
爾時衆中有一菩薩摩訶薩名曰救脫即從
座起偏袒右肩右膝著地合掌向佛白言世尊
於後末世像法起時若有衆生爲諸病苦之
所逼惱身形羸瘦不能飲食喉脣乾燥目視
皆暗死相現前父母親屬朋友知識啼泣圍
繞身卧本處見彼琰魔法王之使引其神識
將至王所然諸有情有俱生神隨其所作善
惡之業悉皆記錄授與彼王王即依法問其
所作隨彼罪福而處斷之是時病人親屬知
識若能爲彼歸依諸佛種種莊嚴如法供養
而彼神識或經七日或二七日乃至七七日
如從夢覺復本精神皆自憶知善不善業所
得果報由自證見業報不虛乃至命難亦不

造惡是故淨信男子女人皆應受持七佛名
號隨力所能恭敬供養
尔時具壽阿難問救脫菩薩曰善男子恭敬
供養彼七如來其法云何救脫菩薩言大德
若有病人及餘灾厄欲令脫者當爲其人七
日七夜持八戒齋應以飲食及餘資具隨其
所有供佛及僧晝夜六時恭敬禮拜七佛如
來讀誦此經四十九徧然四十九燈造彼如
來形像七軀一一像前各置七燈其七燈狀
圓若車輪乃至四十九夜光明不絕造雜綵
幡四十九首并一長幡四十九尺放四十九
生如是即能離諸厄難不爲諸橫惡鬼所持
大德阿難是爲供養如來法式若有於此七
佛之中隨其一佛稱名供養者皆得如是無
量功德所求願滿何況盡能具足供養復次
大德阿難若刹帝利灌頂王等灾难起時所
謂人衆疾疫難他國侵逼難自界叛逆難星
宿變恠難日月薄蝕難非時風雨難過時不

雨難彼刹帝利灌頂王等余時當於一切有情起慈悲心放大恩赦脫諸幽厄苦惱衆生如前法式供養諸佛由此善根及彼如來本願力故令其國界即得安隱風雨順時穀稼成熟國內衆生無病安樂又無暴惡藥叉等神共相惱亂一切惡相悉皆隱沒而刹帝利灌頂王等皆得增益壽命色力無病自在大德阿難若帝后妃主儲君王子大臣輔相宮中姝女百官黎庶爲病所苦及餘厄難亦應敬造七佛形像讀誦此經然燈造幡放諸生命至誠供養燒香散華即得病苦銷除解脫衆難余時具壽阿難問救脫菩薩言善男子六何已盡之命而可增益救脫菩薩言大德仁豈不聞如來說有九橫死耶由是世尊爲說呢藥隨事救療然燈造幡修諸福業以修福故得延壽命阿難問言九橫云何救脫菩薩言一者若諸有情得病雖輕然無醫藥及看病者設復遇醫不授其藥實不應死而便橫死

又信世間邪魔外道媛嬖之師妄說禍福便生恐動心不自正卜問吉凶殺諸衆生求神解奏呼召魍魎請福祈恩欲冀延年終不能得愚迷倒見遂令橫死入於地獄無有出期二者橫爲王法之所誅三者畋獵嬉戲耽姪者酒放逸無度橫爲非人奪其精氣四者橫爲火焚五者橫爲水溺六者橫爲種種惡獸所歛七者橫墮山崖八者橫爲毒藥狀禱呪詛起屍鬼等之所中害九者飢渴所困不得飲食而便橫死是爲如來略說橫死有此九種其餘復有無量諸橫難可具說復次阿難彼琰魔王簿錄世間所有名籍若諸有情不孝五逆毀辱三寶壞君臣法破於禁戒琰魔王隨罪輕重考而罰之是故我今勸諸有情然燈造幡放生修福今度苦厄不遭衆難余時衆中有十二藥叉大將俱在會坐其名曰

宮毗羅大將

跋折羅大將

頰你羅大將 末你羅大將 婴你羅大將
 因陀羅大將 波夷羅大將 薄呼羅大將
 真達羅大將 朱杜羅大將 眇羯羅大將
 此十二藥義大將一一各有七千藥義以爲
 善屬同時舉聲白佛言世尊我等今者蒙佛
 威力得聞七佛如來名号於諸惡趣無復怖
 畏我等相率皆同一心乃至盡形歸佛法僧
 誓當荷負一切有情爲作義利饒益安樂隨
 於何處城邑聚落空閑林中若有此經流布
 讀誦或復受持七佛名号恭敬供養者我等
 善屬衛護是人今脫衆難所有願求悉令滿
 足或有疾厄求度脫者亦應讀誦此經以五
 色縷結我名字得如願已然後解結余時世
 尊讚諸藥義大將言善哉善哉大藥義將汝
 等念報七佛如來恩德皆常應如是利益安
 樂一切有情

余時會中有天衆智慧鮮少作如是念云
 何過是弶伽河沙諸佛世界現在如來暫聞

名者便獲無邊殊勝功德余時釋迦牟尼如
 來知諸天衆心之所念即入警召一切如來
 甚深妙定纔入定已一切三千大千世界六
 種震動兩天妙華及天香末彼七如來見是
 相已各從其國來至索訶世界與釋迦如來
 共相問訊時佛世尊由其先世本願力故各
 各自於天寶莊嚴師子座上隨處安坐諸善
 薩衆天龍八部人非人等國王王子中宮妃
 主并諸大臣婆羅門長者居士前後圍繞而
 爲說法時諸天衆見彼如來皆已雲集生大
 希有疑惑便除時諸大衆歎未曾有同聲讚
 言善哉善哉釋迦如來饒益我等爲除疑念
 令彼如來皆至於此時諸大衆各隨自力以
 妙香華及衆瓔珞諸天妓樂供養如來右繞
 七匝合掌禮敬讚言希有希有諸佛如來甚
 深境界不可思議由先願力善巧方便共現
 如是奇異之相余時大衆各各發願願諸衆
 生皆得如是如來勝定

尔時曼殊室利即從座起合掌恭敬繞佛七
匝禮雙足已白言世尊善哉善哉如來定力
不可思議由本願力方便善巧成就衆生唯
願爲說大力神呪能令來世薄福衆生病惱
所纏日月星辰所有厄難疫疾怨惡及行險
道遭諸恐怖爲作歸依令得安隱彼諸衆生

於此神呪若自書教人書受持讀誦廣爲他
說常蒙諸佛之所護念佛自現身令願滿足
不墮惡趣亦無橫死持諸如來讚曼殊室利
言善哉善哉此是我等威神之力今汝勸請
哀愍衆生離諸苦難爲說神呪汝應聽善
思念之我當爲說曼殊室利有大神呪名曰
如來定力琉璃光若有男子女人書寫讀誦
恭敬供養於諸含識起大悲心所有願求皆
得滿足諸佛現身而爲護念離衆障惱當生
佛國時十如來以一音聲即說呪曰
呪姪他 具誑具誑 聰尼誑膩四上 末
底末底 駁頴怛他 揭多三摩地 額提

瑟耻帝

頴帝末帝

波例

波跋輸但你

薩婆波跋

那世也

敷睇勃曷

瞿答誑

鴻誑矩誑

佛鐸器怛羅

鉢里輸

但你

曇誑昵曇誑

謐嚨誑嚨

謐噓尸竭麗

薩婆哥羅

盜栗覩

庚尼婆喇你

敦提

蘇敷睇

佛陀

頴提瑟侘泥娜

曷略义

薩婆提婆

三誑頴三誑

三曼拔

覩誑

薩婆提婆

薩垂

漢蘭覩誑

薩婆佛陀

菩提薩垂

苦誑苦誑

鉢喇苦曼

覩誑

薩婆伊底

鳴波達婆

薩婆毗何大也

薩婆薩埵者

晡闍泥晡闍泥

晡闍也誑

薩婆阿舍

薛琉璃也

鉢喇底婆細

薩婆波跋

差

楊羯麗

莎訶

余時七佛說此呪時光明普照大地震動種
種神變一時俱現時諸大衆見此事已各各
隨力以天香華塗香末香奉上彼佛咸唱善
哉右統七匝彼佛世尊同聲唱言汝等一切
人天大衆應如是知若有善男子善女人若

王王子妃后大臣寮庶之類若於此呪受持
讀誦聽聞演說以妙香華供養經卷著新淨
衣在清淨處持八戒齋於諸含識常生慈愍
如是供養得無量福若復有人有所祈願應
當造此七佛形像可於淨處以諸香華懸繒
幡蓋上妙飲食及諸伎樂而爲供養并復供
養菩薩諸天在佛像前端坐誦呪於七日中

持八戒齋誦滿一千八徧彼諸如來及諸菩
薩悉皆護念執金剛菩薩并諸釋梵四天王
等亦來擁衛此人所有五無間罪一切業障
悉皆消滅無病延年亦無橫死及諸疾疫他
方賊盜欲來侵境鬪諍戰陣言訟讐隙飢儉
星湧如是等怖一切皆除共起慈心猶如父
母有所願求無不遂意

尔時執金剛菩薩釋梵四天從座而起合掌
恭敬禮釋迦牟尼佛足白言世尊我等大眾
皆已得聞諸佛本願殊勝功德及見諸佛慈
悲至此令我衆生親承供養世尊若於其處

有此經典及七佛名號羅尼法流通供養乃
至書寫我等悉皆承佛威力即往其處擁護
於彼國王大臣城邑聚落男子女人勿令衆
若及諸疾病之所惱亂常得安隱財食豐足
我等即是報諸佛恩世尊我等親於佛前自
立要誓若有淨信男子女人憶念我者應誦
此呪即說呪曰

咀姪他 惡箇莫裏 咀囉寢 麼麼寢真
嚙嚙 訶呼去 酔去 末羅末羅 堅樹
麗布麗 莎訶

若有淨信男子女人國王王子大臣輔相中
宮嬪女誦七佛名及此神呪讀誦書寫恭敬
供養現世皆得無病長壽離衆苦惱不墮三
途得不退轉乃至菩提彼諸佛土隨意受生
常見諸佛得宿命智無定慄持無不具足若
患鬼瘧等病當書此呪繫之肘後病若差已
置清淨處

爾時執金剛菩薩詣七佛所右繞三匝各申

禮敬白言世尊唯願慈悲護念於我我今爲欲饒益未來男子女人持是經者我更爲說陀羅尼。呪時彼七佛讚執金剛言善哉善哉執金剛我加護汝可說神呢爲護未來持經之人令無衆惱所求滿足時執金剛菩薩即說呪曰

南麼駁多喃 三藐三佛陀喃 南麼薩婆
跋折囉達囉喃 咀姪他唵 跋折麗跋折
麗 莫訶跋折麗 跋折囉波捨 陀喇你
三麼 三麼 三曼頌 阿鉢喇底 歌多
跋折麗 苦麼苦麼 鉢囉苦曼覩謳 薩
婆毗何大也 矩嚕矩嚕 薩婆羯麼阿伐喇
掣你义也 三麼也末奴三末囉薄伽畔跋
折囉波你 薩婆舍謳鉢哩 哺喇也莎訶
出尊若復有人持七佛名憶念彼佛本願功德并持此呪讀誦演說我令彼人所願滿足無所乏少若欲見我問善惡者應當書寫此經造七佛像并執金剛菩薩像皆於像身安

佛舍利於此像前如上所說種種供養禮拜旋繞於衆生處起慈悲心受八戒齋日別三時縹浴清淨三昧衣別從白月八日至十五日每日誦呪一百八徧心無散亂我於夢中即自現身共爲言說隨所求者皆令滿足時大會中有諸菩薩皆悉唱言善哉善哉執金剛

此陀羅尼不可思議實爲善說時七如來作如是語我等護汝所說神呢爲欲饒益一切衆生皆得安樂所求願滿不令此呪隱沒於世。尔時七佛告諸菩薩釋梵四天王曰我今以此神呪付屬汝等并此經卷於未來世後五百歲法欲滅時汝等皆應護持是經此經威神利益甚多能除衆罪善願皆遂勿於薄福衆生詬謗正法毀賢聖者授與斯經令法速滅爾時東方七佛出尊見此大衆所作已辦機緣滿足無復疑心各還本土於其座上忽然不現

尔時具壽阿難陀即從座起禮佛雙足右膝

著地合掌恭敬而白佛言世尊當何名此經
我等云何受持佛告阿難陀此經名爲七佛
如來應正等覺本願功德殊勝莊嚴亦名曼
殊室利所問亦名藥師琉璃光如來本願功
德亦名執金剛菩薩發願要期亦名淨除一
切業障亦名所有願求皆得圓滿亦名十二
大將發願護持如是名字汝當奉持時薄伽
梵說是經已諸大菩薩及聲聞衆天龍藥叉
健闡婆阿蘇羅揭路荼緊那羅莫呼洛伽人
非人等一切大眾聞佛所說皆大歡喜信受
奉行

丁果苦失廉甫必蒲早勞下郎到宴其縷麼
反莫可肘臂知棚反
反肘臂知棚反

佛說藥師琉璃光七佛本願功德經卷下 惟

疲皮音宴嚼上其縷反薛備開喇郎達咱丁接
蟲直弓嚼天慈約裹退日反謎莫開唗反暨
須下丁仙令反支鹽烏骨鴻一古矩圭羽暨
胡鹿上下可反支鹽烏骨鴻一古矩圭羽暨
下力帝謁反支鹽烏骨鴻一古矩圭羽暨
佐李二反略反力努接反和煙